

Kollektiv  
Kritisches  
Weissen  
Bern



bla.sh

COPWATCH



BERNER  
RASSISMUS-  
STAMMTISCH



SOLIFONDS

COLLECTIF AFRO-SWISS



DIVERSUM



Verein für PoC

VO DA.

augenauf

Basel – Bern – Zürich

MIGRANT SOLIDARITY NETWORK

11.06.2020

black lives matter

## Proactivamein encunter la violenza razzista dalla polizia

Fermei il razzissem instituziunal dalla polizia en Svizra encunter persunas Neras, People of Color e persunas cun status da dimora precar.

Persunas Neras, People of Color, persunas indigenas e persunas alliadadas che cumbattan il razzissem ein indignai e trests per quel\*las che han piars lur veta tras la violenza razzista dalla polizia. Nus cumplonschen buca mo George Floyd, Tony McDade, Breonna Taylor ni Ahmaud Arbery, che ein vegni mazzai las davosas jamnas en l'USA da polizist\*as ni da guardias civilas. Nus cumplonschen buca mo las numerusas persunas che ein vegnidadas mazzadas en autras tiaras, sco Ágatha Vitória Sales Félix e David Nascimento dos Santos en Brasilia, Adama Traoré en Frontscha e Oury Jalloh en Tiara Tudestga. Nus cumplonschen era las persunas mazzadas en Svizra da violenza razzista dalla polizia, sco Mike Ben Peter, Hervé Mandundu, Lamin Fatty e biars auters. E quels mazzaments ein buca semplamein cass singuls. Els ein simtoms dil razzissem structural e dalla politica d'expulsiun prevalenta che caracterisescha la societad Svizra e las instituziuns statalas. **La violenza razzista dalla polizia ei era en Svizra ina realitad mortala!**

Ils davos 20 onns ein vegni mazzai las suandontas persunas pervia dalla lavur razzista dalla polizia<sup>1</sup>:

Khaled Abuzarifa ei stenschius ils 3. da mars 1999 ligiaus e cun bucca taccada duront in'expulsiun sfurzada.

Samson Chukwu ei stenschius ils 1. da matg 2001 culs mauns ligiai sil dies duront in'expulsiun sfurzada ella perschun vallesana Granges.

<sup>1</sup> Wa Baile, Mohamed (2019). Helvetzid. In: Mohamed Wa Baile/Serena O. Dankwa/Tarek Naguib/Patricia Purtschert/Sarah Schilliger (Eds.), Racial Profiling (229-238). Bielefeld: transcript Verlag. Die Dokumentation der Fälle stammt aus eigenen Recherchen sowie dem Buch augenauf (2015), «Dem einfach etwas entgegensetzen», Zürich: edition 8.

Cemal G. ei morts ils 3. da zercladur 2001 suenter in'intervenziun violenta dalla polizia a Bern-Bethlehem.

Hamid Bakiri ei sependius ils 20. da september 2001, il di da sia expulsion planificada, en ina cella dil commando polizial a Cuera.

Claudio M. ei morts ils 29. d'avrel 2004 duront in'arrestaziun dalla polizia a Brüttsellen el cantun Turtig.

Yaya Bakayoko ei morts ils 3. da zercladur 2004 suenter esser curdaus dad ina finiastra duront in'intervenziun dalla polizia a Basilea.

Anthony ei seprius la veta ils 1. da september 2004 a Bellinzona egl arrest d'inquisiziun.

In um nunenconuschent cun ina damonda d'asil refusada ei sependius ils 23. da schaner 2005 duront igl arrest d'inquisiziun a Sarnen el cantun Sursilvania.

Ousman Sow ei morts dalla seit duront la notg dils 2. sin ils 3. da schaner 2007 duront sia cauma da fom ella parschun regionala songagliaisa Altstätten.

Alhusein Doutho Kora ei morts cun difficultads da respirar 5. da mars 2007 duront in'expulsion dalla Svizra a Ghana.

Mariame Souaré ei morta ils 25. d'uost 2007 suenter ina curdada dalla Savla etascha duront la fugia dalla polizia a Geneva.

Abdi Daud ei morts ils 23. da mars 2008 el spital universitar da Turtig, duront ina fermonza da plirs meins ella perschun dil port aviatic da Turtig.

Andy Bestman ei negaus ils 30. da matg 2008 el Rein silla fugia dalla polizia.

Joseph Ndukaku Chiakwa ei morts ils 17. da mars 2010 el port aviatic da Turtig duront in'expulsion sfurzada, ligiaus cumpleinamein e cun ina protecziun da spida e capellina sin il tgau.

Ina dunna nunenconuschenta cun la damonda d'asil refusada ei morta ils 3. da zercladur 2011 ella parschun da polizia turtigesa.

Medina Yassin Suleyman ha fatg suicidi ils 18. da mars 2012 avon sia expulsion imminente el spital Linth el cantun Sogn Gagl.

Oleg N. ei seprius la veta duront la notg dils 11. sin ils 12. da november 2012 ella perschun dil port aviatic da Turtig.

Ilhan O. ei morts ils 4. da schaner 2013 ella parschun da polizia turtigesa.

Hervé Mandundu ei vegnius mazzaus ils 6. da november 2016 a Bex da plirs siets dad in polizist.

Subramaniam H. ei morts ils 6. d'october 2017 duront in'intervenziun da polizia ella casa per requirents d'asil a Brissago el cantun Tessin.

Lamin Fatty ei morts la notg dils 23. sin ils 24. d'october 2017 egl arrest a Mont-sur-Lausanne.

Mike Ben Peter ei morts la notg dils 28. favrer sin ils 1. sa mars 2018 duront ina controlla dalla polizia a Lausanne.

Salah Tebbouche, 30.12.2019

\*gliesta incumpleta

Ils biars incidents violents vegnan mai publics, biars vegnan schizun fatg nunveseivels. Sper umens Ners ein cunzun dunnas Neras e dunnas of Color, persunas cun stadi da dimora precar, viagionts Jenics, Romni\*as, Sint\*ezzas, persunas trans, queer e non-binaras e luvrer\*as da sex da tuttas schlatteinas pertuccadas dalla violenza razzista ed acziuns violentas dalla polizia. Per persunas che ston endirar quellas experientschas da violenza existan strusch pusseivladads da vegnir udidas e che ils-las responsabels vegnan sancziunai.

Igl ei uras che era quellas persunas che subeschon la violenza razzista buca adina puspei vid igl agen tgerp pertscheivan il razzissem systematic. Razzissem ei buca semplamein in sbagli da persunas singulas, mobein in'instituziun historica e sociala, in artada coloniala ed ina realitad naziunala entochen oz inerenta allas instituziuns en Svizra.

Igl ei uras da cumbatter activamein tuttas formas da razzissem, da s'opponer ensemen alla normalitad, cun la quala persunas Neras ed indigenas e People of Color vegnan sistematicamein dehumanizadas, presentadas sco prighel, criminalizadas ed illegalizadas. Igl ei uras ch'ils tgerps da persunas Neras e People of Color vegnan buca pli tractadas sco inferiuras. Nus sco societad intera stuein procurar cun tut nossas forzas che tuttas persunas en Svizra san semover libramein el spazi public sco el spazi privat senza tema e senza humiliaziun e senza riscar dad esser exponi a violenzas razzistas.

La violenza razzista dalla polizia ei mo il péz dalla muntogna da glatsch mo muossa la violenza da tuttas fuormas da razzissem claramain.

## **NUS DUMANDEIN LA FIN DALLA VIOLENZA RAZZISTA DALLA POLIZIA!**

### **CONCRETAMEIN DUMANDEIN NUS:**

- ch'il razzissem vegn reconuschius, documentaus e cumbattius sco problem dall'entira societad da tuttas instituziuns, organisaziuns ed autoritads. En in εμπrem pass presuppona quei che purtad\*ers da decisiuns politicas e direcziuns operaziunalas dalla polizia reconuschon il problem dalla violenza razzista dalla polizia, dil Racial Profiling e dalla politica d'expulsiun mortala sco problem fundamental, structural ed instituziunal ultra da cass singuls;
- che purtad\*ers da decisiun els departaments ed ellas direcziuns dalla confederaziun, dils cantuns e dallas vischnauncas responsabels per la polizia ed il corp da guardias da cunfin analyseschan l'atgna pratica davart il razzissem e midan ella fundamentalmein cun in concept general anti-razzist che vegn sviluppaus ed evaluaus dad expert\*as per il razzissem. Ultra da quei sto la lavur dalla polizia e dil corp da guardias da cunfin vegnir examinada da cummissiuns d'inquisiziun independentas;
- ina posiziun publica davart il cumbat dalla violenza dalla polizia ed il Racial Profiling da tuttas instituziuns responsablas per la politica dalla segirtad;
- che tuts mortoris suenter intervenziuns dalla polizia, sin il post da polizia ni en arrest polizial tochen ussa vegnan examinai dad ina cummissiun d'expert\*as independenta, spezialmein incaricada per quella finamira. La cummissiun sto haver la cumpetenza da far responsablas

tuttas personas ed instituziuns involvidas ton eticamein sco giuridiamein e da contonscher ina reparaziun;

- ch'il stadi finanziescha in'instituziun dalla societad civila independenta encunter la violenza dalla polizia per documentar il Racial Profiling ed ils cass da violenza dalla polizia sistematicamein;
- la fin immediata da tuttas expulsions e l'aboliziun digl arrest administrativ e dil reschim d'agid minimal;
- ina redistribuziun dils mezs finansials dalla polizia dils parlaments en favur dad organisaziuns e projects che s'engaschan activamein encunter la discriminaziun razzista;
- che personas Neras, indigenas e People of Color vegnan involvai activamein a caschun dalla costituziun ed elaboraziun da concepts da consulenza dils posts da consulenza encunter il razzissem finansiai publicamein;
- che medias, instituziuns e politica sefatschentan intensivamein cul razzissem en Svizra e cun lur atgnas structuradas marcadas dil razzissem, s'engaschan encunter e publicheschan lur engaschi;
- che tuttas personas che vivan en questa societad cumbattan il razzissem structural, instituziunal e dil mintgadi e s'engaschan en lur contuorn per ina postura anti-razzista.